



UPA 2019/214
27.03.19.
Peter Olsen

Uunga siunnersuut: Unammilleqatigiinneq pillugu Inatsisartut inatsisaata allangortinneqarneranik Inatsisartut inatsisaat nr. xx, xx. xxx 2019-imeersoq (Inuussutissarsiutinut immikkoortumi aalajangersimasumi unammilleqatigiinnermik aqqissuussineq, attaveqaatit aqputaanik elektroniskiusunik aningaasalersuisarneq pillugu, kiisalu Unammilleqatigiinnermut ataatsimiititaliami ilaasortassanik toqqaasarneq)

(Inuussutissarsiornermut Nukissiuuteqarnermullu Naalakkersuisoq)

Inuussutissarsiutinut Nukissiuuteqarnermullu Naalakkersuisup Naalakkersuisut sinnnerlugit inatsisartut peqqussutaata allannguutissatut siunnersuutaanut qulaani pineqartumut qujalluta, matumuuna Inuit Ataqatigiinniit imaattumik oqaaseqaateqassaagut.

Siunnersuut Unammilleqatigiinneq pillugu Inatsisartut inatsisaannut nr. 1, 15. maj 2014-imeersumut aalajangersakkamik ilassusiivoq, qularnaarisumik inuussutissarsiutit aalajangersimasut – attaveqaatit aalajangersimasut aqputaanik elektroniskiusunik inuussutissarsiutinik ingerlatsisuusut aamma kifpartuussinernik suliaqartut pillugit pisortat unammilleqatigiinnerup aqunneqarneranik suliaqarnerisa aningaasalersorneqarnissaanik.

Tamatuma saniatigut KANUKOKA-p 2018-ip aasaanerani atorunnaarsimanera tunngavigalugu, Unammilleqatigiinnermut Ataatsimiititaliami ilaasortanik toqqaasarneq pillugu § 27, siunnersuummi allangortinneqarpoq.

§ 27-ip allangortinneratigut oqaaseq Kanukoka peerneqarpoq, kommunillu akornerminni ilaasortassamik ataatsimik toqqaasinnaatitaallissapput, Naalakkersuisunik suleqateqarlutik.

Inatsisissap allannguutissaa manna pineqartoq tusarniaassutigineqarsimavoq, tusarniaanermullu akissuteqarsimasut ilagaat Kommuneqarfik Sermersooq. Kommuneqarfik Sermersuup tapersersunngilaa Kanukukamut taarsiullugu, Kommunit Naalakkersuisullu suleqatigiillutik, ilaasortassamik ataatsimik toqqaasalernissaat

Kommuneqarfiup Sermersuup kissaatigaa, siunnersuutigaalugu Kommunit Naalakkersuisunit akuliuffigineqaratik ilaasortassamik ataatsimik nammineerlutik toqqaasalernissaat.

Inuit Ataqatigiit qulaaniit aqutsiniarneq peqataaffigerusunngilarput. Inuit Ataqatigiit qanimut oqartussaaqataanerup nukittorsartuarnissaanik, aqutsilluarnissamik peqataatitsilluarnissamillu anersaaqartumik ingerlatsinissamik pingaartitaqartuusugut, isumaqarpugut kommunit Naalakkersuisunit akuliuffigineqaratik nammineerlutik ilaasortassamik ataatsimik toqqaasinnaatitaasariaqartut.

Tamaattumik tamanna pillugu Kommune Sermersuup taamatut kissaateqarnera paasilluarlugulu tapersersoratsigu Inuit Ataqatigiinniit oqaatigissavarput.

Taamaattumik Inuit Ataqatigiinniit inatsisissaq taama isikkoqartillugu akuerinngilarput, taamaattoq...

Suliassap massuma pineqartup qulaajaqqaarneqarnissaa siunnertaralugu aappasaaneerneqannginnerani ataatsimiititaliamut susassaartumut suliakkiunneqarnissaa Inuit Ataqatigiinniit innersuussutigaarput.

Qujanaq

Peter Olsen